

Universidad di Aruba ta honra su miho studiantenan di 2013-2014

Un total di shete premio pa tesisnan profundo y seis premio pa e Miho Estudiante. Esey tabata resultado di e ceremonia e siman aki na Universidad di Aruba. Un ceremonia durante cua e institucion academico, cu sosten di miembronan di comunidad empresarial di Aruba a reconoce un cantidad di estudiante kendenan a resulta durante e ultimo año academico

E anochi di Galardon Academico a tuma luga den e Aula di Universidad di Aruba y a keda habri pa Rector Dr. Glenn Thode.

Nominadonan pa premionan di Miho Estudiante, Dahariana Evertsz, estudiante na UA y un graduado di FHTMS, Carl Quant a fungi como Maestro di Ceremonia y nan a invita Minister di Enseñanza Michelle Hooyboer Winklaar pa dirigi palabra na e invitadonan, cu a inclui e studentenan mes, miembronan di e facultadnan, representantes di e empresanan cu ta sostene e reconocimiento, y tambe famia y amigo di e nominadonan. Tur a reuni den e Aula bunita di UA, antes un Kapel dorna cu bentananan decora y cu a sirbi como e luga adecuado pa un ceremonia bunita asina.

Universidad di Aruba tin cuater facultad, cu ta e Facultad di Derecho (FDR), Facultad Financiero Economico (FEF) Facultad di Hospitalidad y Estudio den Maneho di Turismo (FHTMS), y e Facultad di Arte (FAS) cu tin tres programa Bachelor's cu ta Trabou Social y Desaroyo (SW&D); Organización, Gobernacion y Maneho (OGM); y Wiskunde.

E programa festivo a inclui un introduccion y intermezzo musical presenta pa Gucci Dancers bou direccion di un graduado di Universidad di



Aruba, esta Consuela Cameron y tambe presentacionnan di cinco minuut cada uno di e tesisnan ganado. Representantenan di e partnernan empresarial cu ta patrocina e evento y ta crea e incentivo pa studentenan di UA keda duna e miho di nan mes a presenta e certificadonan ademas di un reconocimiento monetario na e graduadonan kendenan investigacionnan a resulta den documentonan hopi cla y conciso, como tal, permitiendone nan pa gana e premio pa e Miho Tesis di cada programa y facultad.

Tur año, UA hunto cu su partnernan ta selecciona e tesisnan aki. E biaha ki a otorga shete premio, sinembargo uno ta representa e Miho Tesis pa e programa di SW&D di e año academico posterior. E disertacion di graduado Emmeline Webb a coincidi cu e ceremonia año pasa y como tal a dicidi pa dun'e su reconocimiento e siguiente año academico cu den e caso a tuma luga e siman aki.

E tesisnan ganado pa e Año Academico 2014-2015 tabata skirbi pa Ogienny Sahron van der Linden di FEF;

Prociano Nurse di FHTMS; Micheline Bury di FDR; Vandanna Geerman di e programa SW&D; Jill Matthew di e programa di Wiskunde; y Kimberley van Loon di e programa OGM.

E tabata un momento di orguyo pa UA na momento di



a yama dilanti dos representante di e sponsornan empresarial di e evento anual, kendenan tabata presente pa otorga e certificado pa e Miho Tesis. Ta trata di Maggy Hazel di e compania CATC y Sra. L. de Cuba di ENNIA. Ambos ta graduado di UA.

E nominadonan di e institucion academico cu tin como 700 estudiante no solamente ta representa e miho di nan facultadnan, pero tambe a demostra cualidadnan humano y di liderazgo den interes di nan coleganan, e institucion y comunidad en general.

Ganado di e Premio di Estudiante pa FEF tabata Christopher Habibe, kende tabatin un resultado academico admirabel y riba dje, a sobresalir den actividadnan extra curricular, incluso su miembresia activo den SUA (studentenraad van de Universiteit van

ARUBA) y e Club di Debate. E ta actualmente e Presidente di e Asociacion di Estudiante di UA. Otro nominadonan tabata Dianmary Almary y Nina Terletskaya.

Maestro di Ceremonia di e anochi, Carl Quant mester a scucha pa nan yam'e pa ricibi



su Premio di Estudiante pa FHTMS. Segun e facultad, Quant a demostra cualidadnan di liderazgo for di promedia. El a bisa Presidente di klas, a atende reunionnan di facultad, a guia su coleganan estudiante durante momentonan pisa di estudio, y a motiva nan na momento cu nan tabata carece di energia na final di cada semester. Riba dje, Quant a bira miembro activo di Kiwanis Circle K International, unda el a organiza entre otro cumbrenan di liderazgo na UA. E otro nominadonan tawata e grupo di Ulrich Hermans, Jennifer Richardson y Grixeny Ponsion.

E Premio di Estudiante pa e facultad mas bieu di UA, esta FDR a bay pa Xavier Semileer. E otro nominadonan tabata Jeannette Baars Richardson y Sayenne Kelly.

Ganado di e Premio di Estudiante pa e programa SW&D di FAS tabata Keyla Rohas, kende tabata den directiva di estudiante for di momento cu el a cuminsa su estudio na UA. El a representa su coleganan y studentenan di UA en general den expresa nan preocupacionnan riba curso y asuntunan cu ta regarda scol, a organisa actividadnan pa duna bek na comunidad. Tur esaki mientras cu e tabata mantene su gradonan academico na un nivel haltu. E otro nominadonan tabata e Maestro di Ceremonia pa e anochi Dahariana Evertsz, Tizlynn Kolfin.

Ganado di e Premio di Estudiante pa e programa di Wiskunde di FAS tabata Kayleigh Pawironadi, kende ademas di tabata yuda otro estudiante, a bira mama na Maart ultimo. Asina mes, nada di e presion aki a strob pa Pawironadi pa gradua cu e miho puntunan. E otro nominadonan tabata Laura Morales y Gustave Lopez. Jill Matthew di otro banda a ricibi e Premio pa Miho Tesis, pa e forma con el a traha su portfolio y e procesonan cu el a describi pa percura cu e por bira e miho docente di wiskunde posibel.

Jonathan Henriquez a gana e Premio di Estudiante pa e programa OGM di FAS. Henriquez segun su facultad, ta un ehempel excelente pa otro studentenan. El a sacrifica su trabou permanente pa dedica su mes completamente na su estudio, y su compromiso a resulta bentahoso. No solamente Henriquez a resulta cu e miho puntunan, pero tambe pa motibo di tabata participa den cantidad di actividadnan extra curricular, manera e Club di Debate, bolutario pa diferente proyecto den comunidad, asisti UA cu e 'Summer School' y ta un miembro di ekipo formidable. E otro nominadonan tabata, Nuriann Helder y Ghislaine Nicolas.

A clausura e anochi cu un discurso chikito di Rector Adhunto y Decano di FAS Luciano Milliard, kende a duna homenahe na e organizacionnan cu ta traha na mehoracion di e comunidad di UA en general pero tambe di comunidad en general, esta Kiwanis Circle K International y e Asociacion di Estudiante di Universidad di Aruba, SUA. □

